

Headline	Cetek pengalaman punca benteng roboh		
MediaTitle	Metro Ahad		
Date	18 Feb 2024	Language	Malay
Circulation	120,979	Readership	362,937
Section	Arena	Page No	45
ArticleSize	289 cm <sup>2</sup>	Journalist	N/A
PR Value	RM 34,155		



**Kuantan:** Kegagalan pemain mengawal permainan ketika berada di hadapan dengan dua gol menyebabkan Young Elephants Pahang akhirnya tewas pada TNB Thunderbolts dipentas saingan TNB Liga Hoki Malaysia (TNB MHL) 2024, Stadium Hoki Wisma Belia, kelmarin.

Beraksi di gelanggang sendiri, tuan rumah dilihat hampir pasti dapat menjinakkan lawan apabila menamatkan babak pertama dengan 2-0, namun impian skuad bimbingan jurulatih, Mohd Sufian Mohamad meraih tiga mata tidak menjadi kenyataan apabila mereka tewas 2-4.

Menurut Mohd Sufian, kecekatan pengalaman mengawal permainan ketika sedang mendahului lawan penyebab utama pasukanya tewas pada lawan yang membariskan pemain pi-

## Cetek pengalaman punca benteng roboh

lihan Sekolah Sukan Malaysia.

Katanya, pasukan TNB Thunderbolts sememangnya layak memenangi perlawanan kerana mereka beraksi begitu baik pada babak kedua permainan, walaupun sedang ketinggalan mereka bangkit memburu jaringan tanpa rasa putus asa.

"Saya yakin sekiranya barisan pemain Young Elephants Pahang mengawal permainan sambil membentuk benteng pertahanan mantap, tidak mustahil kita mampu memenangi pertemuan semalam atau sekurang-kurangnya mencatat keputusan seri.

"Apa boleh saya lakukan apabila pemain seolah hi-

lang punca dan tertekan apabila menerima asakan bertali arus daripada jentera serangan pasukan lawan, ketika kedudukan terikat 2-2 pemain Young Elephants Pahang mula cemas hingga gagal memamerkan corak permainan sebenar dan akhirnya pelawat mendapat dua gol lagi untuk kedudukan terikat 2-4 hingga tamat perlawanan," katanya, dihubungi di sini semalam.

Beliau berkata, kekalahan kelmarin menjadi pengajaran berguna buat barisan pemain muda, pengalaman yang diperoleh dapat mematangkan mereka dalam mengharungi sukan hoki diperingkat kebangsaan dan antarabangsa.



AKSI pemain Young Elephants Pahang (jersi putih) ketika menentang TNB Thunderbolts di Stadium Hoki Wisma Belia.